

# سكتشات مسرحية

من رحم المعاناة



إعداد

أفاني سليمان

خمس سكتشات مسرحية

مختلفة المواضيع

لكنها جميعها من رحم معاناة المجتمعات

نطرح المشكلة لكننا لا نطرح الحل

ليس لعدم وجود حلول

جربنا لا يخلو من الحلول

إلا أن الحل مثل قلته لعدم القدرة على تنفيذه

كون المشكلة ليست شخصية

بل مشكلة مجتمع كامل

و الحل يجب أن يكون جذري

١- معاناة الشباب

٢- معاناة التعليم

٣- معاناة الزواج

٤- معاناة الوعود

٥- معاناة الشعوذة

# سكّتش معاناة الشباب



فكرة نادر عسكر  
إعداد أمني سليمان

سكتش

## معاناة الشباب

فكرة نادر عسكر

إعداد أمانى سليمان

شاب يجلس بمقهى يدخل عليه شاب آخر و هو يتحدث

بالهاتف مع انه الصغير

- ابو الياس : ماشي بابا ماشي رح اشتريك كل الي بدك

ياه يسمع الولد ثواني و أنا أحبك بابا

- مازن : ابنك هاد ؟

- ابو الياس : أي والله ابني الياس بدو اخدو عالملاعب و

اشتريلو اكلات طيبة انت ايمت بدنا نفرح فيك ؟

- مازن : ( يشرد قليلاً يأخذ نفس عميق من السجارة )

والله ما تربط من وين ما أديرها ما عم تندار الراتب ما

عم يكفي دخان و مصروف و اخر الشهر تطلع مديون

يا رجل شلون بدنا نتزوج لسا بدك تفتح بيت بدك نبع

مصري ما يخلص شي اجار البيت و شي الامبيرات و

شي الانترنت هدول لحالهم بدهم ٣ رواتب غير راتبك

ما توفي معنا كل شهر أقول هالشهر رح او فر من

الراتب بس ما عم يتوفر ولا بأي شكل تقشفنا و ما

مشي الحال مو شايف هالغلا كل يوم نقول الدولار رح

ينزل يفاجئنا و يطلع أكثر و كأنا عم يجاكرنا أحس لما

اطلع عليه بالصورة طبعاً مو بالحقيقة لان ما نشوفو

احس يرفعلي حواجبو و يمد لسانو و كأنو عم يلعب

معي و يقولي ما رح تمسكني لا تحلم

- ابو لياس : هاد حال كل الشباب خلي تفكيرك شوي

ايجابي لا تحملها زيادة

مازن : لو تغافلنا عن الوضع الصعب الي عم نعيشو و  
 حلمنا بالخطبة بس تروح تطلب ايد بنت تتفاجأ بوالدها  
 و طلباتو و كأنو عم يبيحك البنت بيع و كأنك ملياردير  
 الي يشوفو يقول هو عايش حياة مرفهة مو من واقعنا  
 الصومالي مع انو هو ادرى بوضع لبلد و وضع الشباب  
 بهالايام

- ابو الياس : صح معك حق بس في أبهات يريدو الستر  
 لبناتن ما يعجزو الشب

مازن : ماشي طيب و الذهب حكاية ثانية غلاء مو  
 طبيعي عامل حالو الماس اسعار تصدمك تحس السعر



يعاتبك و يقولك ليش اجيت يا اخي هاد مو مكانك رجع

لبيتك لا تكتب

- ابو الياس : بس عوائل محترمة ما يطلبو كثير ذهب

- مازن : لو أهلها طلعو جماعة اوادم و ما طلبو شي

أساس الزواج اشهار و الإشهار بدو عرس و العرس

يكلفك هديك الحسبة قاعة و مصور و ابسط حقوقها

تلبس فستان ابيض هاد بدو كومة مصاري

- ابو الياس : تتدبر لا تخاف الله يباركك لتكمل معك

- مازن : و لنفرض كمان مشي الحال و تيسرت و

انسترننا أنا و بنت الحلال ببيت اجار من وين بدنا

نصرف و هي ايش ذنبا لحتى تعاني الامرين معي صدق

الي قال فقر و نقر لان بسبب الفقر بدها تناقروني و انا  
ما بيدي حيلة اعرف حقها العين بصيرة و الايد قصيرة  
عم اشتغل شغلين و في مين يساعدني بمصروف البيت  
و ما عم اقدر اشترى قطعة ثياب جديدة بس هي بنت  
بدها مكياج و بدها ثياب و بدها مصروف و كلو حقها  
ما انكر بس ما اقدر اوفرلها شي  
( يخفض رأسه بحزن )

فكرة و إعداد أمانى سليمان



سكيتش

# معانة الزواج

فكرة و إعداد

أمانى سليمان



مجموعة شباب ٣ يجلسون على القهوة جاء صديقهم

- سمير : مرحبا شباب

- بهير : أهلاً أهلاً وينك يازلما نحن قلنا تزوجت و مشي

الحال الي غاب غيبتك يجي و بايدو ولد

- سمير : أعوذ بالله تفم من تمك أنا أتزوج

لااااا و ولد كمان مو لحتى أحب الولاد بالأول

ياخي مو أطيقهم و لا أطيق صوتن و لا بكاهن

قال ولاد قال بعدين هن كم يوم الي غبتون بالضبعة ما

الحق اجي و معي ولد شو يعني أنو نحن بعصر

السرعة لو الشهر بيوم بدنا تسع أيام لحتى يشرف ولي

العهد الله يبعدني عن الزواج و هم الولاد

بعدين أنا اتوقعكو أنك أنت تزوجت

- بهير : أعوذ بالله بلا زواج بلا وجع قلب اتزوج

ايش بدك أجيب السجان بايدي للبيت

لازم أوقع ع دفتر الحضور و الغياب ممنوع

و التأخير ألو ضريبة ( يقولها و هو يغمز بعينه )

يصمت قليلاً

بعدين ليش لحتى اتزوج و أصرف ع وحدة غريبة ما

بعرفها و فوقها تبلش تتطلب مني

هات هاي و جيب هاي و لا تنسى هاي

و اليوم عيد زواجنا و اليوم عيد ميلادي

و بكرا مدري شو

كل الأيام تقلب مناسبات شلون ماحدا يعرف

الهدايا لازم تكون مستمرة بسبب و بلا سبب

و إذا نسيتهك شي نسوة تخرب الدنيا راسك

( ع أساس يقلد البنت بمسخرة )

و تبلش تقولك أنت مو تحبني أنت مو تهتم فيني

لو كنت مهتم كنت عرفت لحالك

لو كنت تحبني كنت ما نسيته

عيفونا يا أيش الله جبرني على وجعة هالراس و الجيب

( يطلع ع صديقهم الثالث و يقول )

والله أنت الي ساكت شكلك رح تعملها و تتزوج

- شهير : لا والله ابدأ ( و كأن شخص اتهمه بتهمة

خطيرة يحاول أن ينفي ) ( يبدأ يتكلم ببرود مستفز )

أيش زواج و ايش حالة مشان كل يوم احطلكن غنية

الحماية و الكنة كل ما أفوت عالبيت ترتاح شوي

أشوفن ينتفو شعر بعض

بدال لا ارتاح امشي بالشارع كما المجانين من همن

انفضح بين الجيران و الشاطر الي يقولي ضب مرتك و

امك صرعونا

لا يابو لا مو حمل هالقصاص كلن أنا

عيوفوني قال زواج قال لحالي احلالي

- زين : ( بعد سكوته طوال المشهد يتكلم برزانة )





مع احترامى الكن كلتن تكذبو مافىكن الصادق انتن مو  
 تتزوجو مو كرمال هالقصص الى حكيتنن لا أنتن ما  
 معكن مهر و لا بيت مو مأمنين حالكن ابدأ لهيك عم  
 تقنعو حالكن بهالقصص هروب من واقع أليم  
 معكن حق الذهب صار بالنار و الدولار طار و ما عاد  
 يهدى الراتب مو يكفى ولا حتى يومين لا دقيقتين  
 تعطيو ديون و تقعد تشد باقي الشهر و مو تلاقي الى  
 يدينك و البنات مُتطلبات بلا ذهب و بلا مهر عالي مو  
 يقبلو ليش فلانة بايش احسن مني ( وهو يقلد الفتاة )  
 بس حفلة الزواج تكلفك هديك الحسبة و عاضيق ها  
 ( تذهب الرزانة و يندمج بالحديث و كأنه باع )

و الأهل تقول كل أب يشوف بنتو ملكة جمال العالم

يبيلش مزاد علني عليا على اونی على دوي على تري

مين يدفع أكثر يشيل ليش انجلينا جولي هي؟

- سمير و بهير و شهير : معك حق كلتنا مو نقدر نتزوج

- زين : أيواااا لا تتحججوا

الي ما يطول العنب حامطٍ عنه يقول

سَكَنَ شَءٌ

مَعَانَاةَ الْوَعُودِ

فَكَتَحَلَّى

فَلْتَرَةً وَإِعْدَادِ

أَعَانِي سَلِيمَانِ

سكتش

معاناة الوعود

فكرة و إعداد

أمانى سليمان

على دكة قديمة يجلس ابو عادل و كريم و أبو طلال

- كريم : ( بنبرة استفهام ) ليش شكلكم مكتئين اليوم ؟

- أبو عادل : مو اليوم بس ( صمت لحظة )

من عشر سنين

- أبو طلال : ( بيأس ) انا صارلي سنتين مستني اتصال

من الشغل كل يوم يقولولي نراجع الطلب و نرجع

نكلمك

- كريم : و رجعوا كلموك ؟

- أبو طلال : ( باستهزاء ) أي كلموني بس أنا تكبرت

عليهم و قتلهم ما عاد بدي شغلكم لا كلموني و لا شي

- أبو عادل : أنا وعدوني تنزل الأسعار بس الي عم

بنزل قلبي من الشهقة كل يوم لما اسمع لوين طار

الدولار و علا

- كريم : ( بتفاؤل ) أنا وعدوني انو بkra الوضع يتحسن

- أبو طلال : ( بسخرية ) منو هاد الي وعدك ؟
- كريم : كل الناس يقولو هيك ( بعتب و تبرة حزينة )
- بس يا هل ترى رح نشوف بkra رح يجي بkra
- ( تنهيدة ) والله عم نعزموا كتير ليش ما يجي الكل
- مستنيه

- أبو عادل : ابني وعدني انو ينجح هالسنة

- كريم : نجح

- أبو عادل : لا

بس وعدني مرة ثانية

صرت أخاف من وعوده أكثر من رسوبه

بس يقول وعد

أعرف رح تصير مصيبة و أقول بقلبي الله يستر

- أبو طلال : مرتي وعدتني اليوم مافي طلبات قلت

لحالي يا ولد رح تتغير حياتك

**- أبو طلال : بعد نص ساعة ( يتكلم بسرعة و كأنه**

## حليب بدنا خضرة بدنا نفرش السجادة الجديدة

**بدنا بدنا بدنا**

**- کریم: ( باستہزاء ) یعنی عطاک وعد و بعدین عطاک**

## قائمة مشتريات

## لحظة هدوء الجميع شاردون و كأنهم يرون العمر كيف يمر

**- أبو عادل : يا جماعة نحن جيل بكر**

# كل شيء نسمعو يبدأ بیکرا

## - كريم : و بکرا من يوم ما خلقنا ما اجا

## - أبو طلال : نحن نعيش ع الأمل و الأمل صاير بالدين

- كريم : و الوعد صار سهل بس الواقع أغلى من أنك

توفي الوعد

- أبو عادل : صرنا نضحك ع الوعود و نبكي من

الواقع

- كريم : عالوعد يا كمون



# سكيتش معاينة التعليم



فكرة و اعداد  
أفاني سليمان

سكيتش

# معانة التعليم

فكرة و إعداد

أمانى سليمان

في أحد الأحياء الفقيرة يجلس رجلان عند عتبة باب منزل  
أحدهم فيسأل صاحب المنزل جاره

- أحمد : ما قلتى لقيت شغل ثاني ؟

- حسن : ( بانكسار ) لا والله لسا عم أدور

( تعلقو نبرته باستغراب ) يا زلما كانوا مافي شغل

بهاالبلد

- أحمد : ايش رح تعمل ؟

- حسن : ( يرد بيأس ) عم أفكر أحط شي صندوق على

هالبسكليت و اشتغل عامل توصيل ( دليفري ) ما عم

يكفي الراتب شي يا دوب أدفعو أجار البيت و الي رح

يطلع من التوصيل نصرف منو

- أحمد : الله يرزقك

- حسن : يرزق الجميع

تقف سيارة و ينزل منها صديق قديم لهم

- طارق : مرحبا شباب

- أحمد : ( يشير بيده للسيارة ) أي شو هالاد

- حسن : ( باستغراب ) شو هالعز هاد

- أحمد و حسن : أجتك شي ورثة

- طارق : ( بحزن ) لا والله

( يصمت قليلاً ) صرت جاركم

- أحمد : ( باستغراب ) شلون يعني ؟

- حسن : و بيتك ؟

- طارق : بعت البيت اللي صارلي عمر أجمع حقو

( بصوت مكسور ) أول ما اشتريتو ما لحقت أفرح فيه

بعتو

- حسن : ليش ؟

- طارق : مشان أقدر ابعت ولادي للمدرسة عندي ٣ ولاد

بدهم سنوية ألف دولار بس اشتراك

و بدهم ثياب للمدرسة و جناطي و دفاتر و اقلام و

مصرف يومي و أنا ما معي أفرش البيت

لهيك بعت البيت و استأجرت عندكم بالحارة و دفعت

قسط المدرسة و بدال ما أدفع شي ٥٠ دولار لصاحب

الفان عشان يوصل الولاد للمدرسة اشتريت سيارة منو

أشتغل عليها و منو أوصل ولادي للمدرسة و أرجعهم

أوفر اشتراك الفان الشهري

( باستفهام ) أنتم ايش عملتم مشان المدارس ؟

- أحمد : ( بحزن ) أنا ما خرج ابعت ولادي للمدرسة ما

معي و حكيت مع اخوي المسافر بلكي يساعدني تمسخر

علي ( نصف ابتسامة على وجهه يداري بها القهر )

قال نحن ما درسنا بمدارس خاصة لحتى تبعت ولادك ما

عم يقتنع أنو مافي غير هالمدارس بالبلد

- حسن : أنا ما عندي بيت أبيعو ولا سيارة لهيك ولادي

رح يضلو بالبيت بلا دراسة أصلاً معلق شهادة الهندسة

عالحيط و اشتغل كرسون بمطعم هاد الشي لحالو يقهر

الحمد لله أهم دارسة خلي تدرسهم بالبيت و خلص

- طارق : أحلا أيام كانت أيامنا الخمس ليرات كانت ثروة

نشترى فيها أكالات طيبة

- حسن : وجبة الغدا المعتبرة صندويشة الزعتر الي كنا

ناخذها ما أطيبها على جوع بالمدرسة

- أحمد أي ياوووو كنا راضيين و مبسوطين

يضحك الثلاثة على ذكريات الطفولة يأتي رجل من الجيران

- الرجل : ( بحسد ) نيا لكم ما عبالكم شي تضحكون

- احمد : لا تحسبن رقصي بينكم طرباً فالطير المذبوح

يرقص من الألم

- حسن : لاتحسبن ضحكي بينكم فرحاً شر البلية ما يضحك

سكيش

معاناة السحر

فكرة و إعداد  
أحادي سليمان



سكتش

# معاناة السحر

فكرة و إعداد

أمانى سليمان



- الفتاة : تجلس و يبقى الصمت سيد المكان ثم تقطع هذا

الصمت المخيف الفتاة بصوتها الذي بالكاد يخرج من

حنجرتها تتنحج لتخرجه سيدنا الشيخ أنا احب شب و

هو يحبني بس امو مو موافقة على زواجنا بدون سبب

و هو حاسس انو ضايع و انا مليتو الانتظار صارلي

سنتين على هالحال بدي تعملي حجاب مشان توافق

تزوجنا و نخلص من المشاكل كل ما تقدملي عريس

يعمل حالو بدو ينتحر و انا حالي واقف لا هو عم يجي

و لا عم اقدر اوافق ع غيرو يمكن ينتحر يبقى ذنبو

برقبتي تخفض رأسها و تسكت

- المشعوذ : حبيبي مع بخور أنتي معمولكي سحر و

مدفون بدو ألفين دولار لحتى ينفك

- الفتاة : بس يا شيخنا أنا ما معي هالمبلغ كلو

- المشعوذ : معناتا أنتي رح تضلي ع حالكي هاد و ما

رح تتزوجي أبداً

- الفتاة : روح يا شيخ أنا لو معي ألفين دولار كان

الشباب ركضو وراي و أمو تترجاني أوافق ع ابنها قال

ما اتزوج قال ما خوش النصيب بأيديك النصيب بايد الله

الله كريم الحق مو عليك الحق علي الي اجيتو لعند

نصاب متلك

- المشعوذ : انا ما ينحكى معي هيك روجي ما رح تنامي

الليل و ترجعيلي زحف لحتى اساعدكي

- الفتاة : أعمل الي بدك ياه هيك هيك أنا ما انام الليل حل

عنا يا

تخرج الفتاة من عنده و هي تضرب كف بكف و تقول الفين

دولار لو معي هالمبلغ مو تشوف وجهي كنتو أصيف بشي

مكان أحسنلي من الجية لعندك

- المشعوذ : يا أسيادنا لا تاخدو ع كلامها بنت صغيرة و

جاهلة ما تعرف ايش تقول العفو منكم

( يشير بيده للعجوز تقترب منه و تجلس )

ما مشكلتك ؟

العجوز : أنا عندي كنة ما احبها و هي ما تطيقني بدي

تعملي حجاب يا تحل مشكلتنا يا تحل عني

المشعوذ : أي فهمت عليكي مشكلتك مو كبيرة رح

تكلفك هالقصة الف و خمس مية دولار بس

العجوز : ألف و خمسمية عفريت الي يركبوك لو معي

هالمبلغ اجيبلها قطعة ذهب تصير خاتم باصبعي

تخدمني طول العمر لا اله الا الله

أصلا لو معي هالمبلغ اخلي ابني يطلقها و اجوزو ست

ستها ( تخرج من عنده و هي تقول ) أنت حتى بالنصب

مو فالح قال شيخ قال شيخ مودرن بالدولار يتعامل

يمكن أسيادو اميركان و مالي خبر

الكاتبة أماني سليمان

سوريا محافظة الحسكة

مدينة القامشلي

مواليد ١٩٨٨/٨/٢



درست في كلية العلوم قسم كيمياء

أول مؤلفاتها كتاب خواطر بعنوان همسات النسمات

الثاني كتاب خواطر بعنوان صدى الأفكار

الثالث رواية بعنوان يُضَمِّدُهَا الأمل

الرابع كتاب خواطر بعنوان عندما تتحدث الروح

الخامس رواية بعنوان أرواح تتأرجح على كفوف السحر

السادس كتاب خواطر بعنوان يا حزني السعيد

السابع رواية بعنوان قبل أن يراها

الثامن قصة بعنوان و كانت الصدمة

التاسع رواية بعنوان ترتيب القدر

العاشر مسرحية بعنوان النبوءة

الحادي عشر كتاب خواطر بعنوان كلانا يبحث عني

الثاني عشر رواية بعنوان حين تكلم الموت

الثالث عشر رواية بعنوان نالت مرادها

الرابع عشر رواية بعنوان سلام فوق رماد الماضي

الخامس عشر خواطر بعنوان انا امرأة لا يعبرها الزمن

السادس عشر خواطر بعنوان على مائدة الوجدان

السابع عشر سكتشات مسرحية بعنوان من رحم المعاناة